



**Godina XX – Broj 80**

**Srijeda, 16. 10. 2013. godine**  
**S A R A J E V O**

**ISSN 1512-7079**

Na osnovu člana 180. stav 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), na prijedlog Federalne uprave civilne zaštite, Vlada Federacije Bosne i Hercegovine, na 83. sjednici, održanoj 03.10.2013. godine, donosi

**ODLUKU**  
**O IZMJENAMA I DOPUNAMA ODLUKE O USLOVIMA I NAČINU**  
**KORIŠTENJA SREDSTAVA OSTVARENIH PO OSNOVU POSEBNE NAKNADE**  
**ZA ZAŠTITU OD PRIRODNIH I DRUGIH NESREĆA**

**I.**

U Odluci o uslovima i načinu korištenja sredstava ostvarenih na osnovu posebne naknade za zaštitu od prirodnih i drugih nesreća ("Službene novine Federacije BiH", broj: 4/12), u tački VI. iza stava 3. dodaje se st. 4. i 5. koji glase:

"O korištenju sredstava iz stava 1. podtač. 1) i 2) ove tačke, odlučuju federalni, kantonalni, općinski odnosno gradski štabovi civilne zaštite, na prijedlog organa uprave civilne zaštite.

O korištenju sredstava iz stava 1. podtačka 3) ove tačke, odlučuje Vlada Federacije Bosne i Hercegovine, vlada kantona, općinsko odnosno gradsko vijeće na prijedlog federalne, kantonalne, općinske, odnosno gradske komisije za procjenu šteta, uz pribavljeno mišljenje štabova civilne zaštite".

**II.**

U tački VII iza stava 3. dodaje se stav 4. koji glasi:

"O prijedlogu projekata prevencije koji će se sufinansirati iz ovih sredstava, odlučuje Vlada Federacije Bosne i Hercegovine, vlada kantona, općinsko odnosno gradsko vijeće na prijedlog organa uprave civilne zaštite uz prethodno pribavljeno mišljenje federalnog, kantonalnog, općinskog odnosno gradskog štaba civilne zaštite".

**III.**

U tački VIII. stav 2. riječi: "i 2." brišu se.

Iza stava 3. dodaje se stav 4. koji glasi:

"O korištenju sredstava iz stava 1. ove tačke, na prijedlog organa uprave civilne zaštite odlučuju štabovi civilne zaštite, na način da za svaki pojedinačni utrošak za namjene iz stava 1. ove tačke donosi odluku na osnovu godišnjeg plana korištenja sredstava posebne naknade iz tačke V. ove odluke".

#### IV.

U tački IX. u drugoj rečenici broj "10" zamjenjuje se brojem "5".

Iza stava 1. dodaje se stav 2. koji glasi:

"O korištenju sredstava iz stava 1. ove tačke, na prijedlog organa uprave civilne zaštite, odlučuju štabovi civilne zaštite, na način da za svaki pojedinačni utrošak za namjene iz stava 1. ove tačke donosi odluku na osnovu godišnjeg plana korištenja sredstava posebne naknade iz tačke V. ove odluke".

#### V.

U tački X. iza stava 3. dodaje se stav 4. koji glasi:

"O korištenju sredstava iz st. 1. i 2. ove tačke, na prijedlog organa uprave civilne zaštite odlučuju štabovi civilne zaštite, na način da za svaki pojedinačni utrošak za namjene iz st. 1. i 2. ove tačke donosi odluku na osnovu godišnjeg plana korištenja sredstava posebne naknade iz tačke V. ove odluke".

#### VI.

U tački XI. dodaje se stav 2. koji glasi:

"O međusobnoj preraspodjeli sredstava iz stava 1. ove tačke, na prijedlog organa uprave civilne zaštite odlučuju štabovi civilne zaštite".

#### VII.

U tački XII. iza stava 1. dodaje se novi st. 2., 3. i 4. koji glase:

"Zahtjev iz stava 1. podtačka 4) za dodjelu pomoći podnosi se Federalnoj upravi civilne zaštite. Federalna uprava razmatra zahtjev, te ako je priložena odgovarajuća dokumentacija, predlaže Federalnom štabu civilne zaštite donošenje odluke o dodjeli pomoći.

Ako uz zahtjev nisu priloženi odgovarajući dokazi iz stava 1. ove tačke, Federalna uprava civilne zaštite poziva podnosioca zahtjeva da dopuni zahtjev sa odgovarajućom dokumentacijom u roku od sedam dana od dana prijema poziva. Ako podnositelj zahtjeva ne otkloni nedostatke u određenom roku, Federalna uprava civilne zaštite će donijeti zaključak protiv kojeg se može izjaviti posebna žalba Federalnom štabu civilne zaštite.

O dodjeli pomoći kantonima i općinama, Federalna uprava civilne zaštite podnosi izvještaj Vladi Federacije Bosne i Hercegovine, u skladu sa odredbama tačke XIV. ove odluke".

Dosadašnji st. 2. i 3. postaju st. 5. i 6.

#### VIII.

Ova odluka stupa na snagu narednog dana od dana objavljivanja u "Službenim novinama Federacije BiH".